



gazeTi gamodis  
1931 wl is 5 ianvridan

# ალიონი

საზოგადოებრივ-პოლიტიკური გაზეთი [www.alion.ge](http://www.alion.ge)

ყოველკვირეული გამოშვება  
ფასი 30 თეთრი

## დაბრუნებული მიგრანტების დახმარების პროგრამა

თუ ხართ უცხოეთიდან ახალდაბრუნებული და სავიზო დამატარებელი, ან გსურთ სწრაფ ინფორმაციას მიიღოთ უცხოეთში გაემგზავრების შესახებ, ეს ინფორმაცია თქვენთვისაა:

მეგრაციის საერთაშორისო ორგანიზაციის მისა საქართველოში, ლტოლვილების და განსახლების სამინისტროსთან ერთად ახორციელებს პროექტს, რომელიც მიზნად ისახავს ახალდაბრუნებული მიგრანტების დახმარებას. პროექტი საშუალებას და ფინანსდება ევროკავშირის მიერ.

პროექტის მიზანია სამშობლოში დაბრუნებულ მოქალაქეების დახმარება, რათა მათ მოახდინონ წარმატებით რეინტეგრაცია და არ იფიქრონ ხელშეწყობა მეგრაციაზე. პროექტში მონაწილეობა შეუძლიათ მოქალაქეებს, რომლებიც უცხოეთში იმყოფებოდნენ არანაკლებ 1 წლისა.

დახმარება მოიცავს რამდენიმე კომპონენტს. კერძოდ, ჩვენს ორგანიზაციაში ხდება მეგრანტის სავიზო დამატარების განსახილველად აქის მიხედვით, მისთვის შეიქმნება დახმარების პაკეტი. ძირითადი კომპონენტები, რამაც მოქალაქეებს ეხმარებათ, ეს არის: 1) თავშესაფრით უზრუნველყოფა; 2) საბედისწერო დახმარება (იმ კომპონენტებზე, რაც საყოველთაო დახმარებით არ ფინანსდება); 3) პროფესიული მომზადება/გადამზადება; საშუალო იარაღების შეძენა და 4) მცირე ბიზნესის დაწყებაში ხელშეწყობა.

ასევე, ჩვენს ცენტრში მოქალაქეებს შეუძლიათ მიიღონ სწრაფ ინფორმაცია ლეგალური მეგრაციის შესახებ; კერძოდ, რა მოლოდინები უნდა ქონდეთ უცხოეთში მუშაობა/ცხოვრებასთან დაკავშირებით, როგორ შეარჩიონ დამსაქმებელი, ავიღონ ტრენინგების სფეროების შესახებ, ინფორმაცია უცხოეთში სწავლის, ვიზების შესახებ და ბევრი სხვა საკითხი. ეს ყველაფერი დაეხმარებათ მოქალაქეებს მომზადებული გაემგზავრონ უცხოეთში.

მობილური ცენტრები განთავსებულია საქართველოს ოთხ ქალაქში: თბილისში, ქუთაისში, თელავსა და ბათუმში. მოქალაქეს სურვილისამებრ შეუძლია მიმართოს ნებისმიერ ცენტრს.

ბათუმში მობილური ცენტრის მისამართია:

ფარნავაზ მეფის №63.

ბათუმი, 6010, აკვარა, საქართველო

ტელ: (0422) 22 88 83

## მგლებმა მთისპირაში სოფლის ცენტრისკენ გადმოინაცვლეს მთისპირაში კიდევ ერთ უცნაური ცხოველის გამოჩენაზე წუხან



დი, დელეპური, თოფურაით) ნადირმა მოსახლეობას გაუწყვიტა თხები, ღორები. მსხვილფეხა რქოსან პირუტყვს აქაურები საძოვარზე მორიგეობით დარაჯობენ.

ამჯერად მგლები სოფლის სიღრმეში შევიდნენ. როგორც ამ დღით გაზეთ „ალიონის“ რედაქციას აცნობეს, წუხელ მგლებმა სოფლის ცენტრთან ახლოს თემურ წყავზარაძის ძროხა დაგლიჯა. წინა დღეებში დათვი უკანაგაში, სურბო ინჟინერის ეზოში დღისით „ესტუმრა“ და მაკე ღორი დაუგლიჯა.

კიდევ ერთ უცნაური ცხოველის გამოჩენაზე წუხან მთისპირაში. იგი ფოცხვერს ჩამოჰგავს, რომელმაც 17 და 18 ნოემბერს 20-მდე სული ინდაური, იხვი გაუნდაგურა ე.წ. წარმოების დასახლებაში მცხოვრებ რუსულან გუჯაბიძეს.

მთისპირაში ხელისუფლებისგან დახმარებას ითხოვენ.

## „გურულები გაკუჭდებიან (ბაბრავლები) და დღეიდანვე ბაბრავლებზე იზრუნებენ“



### სახელისუფლო გუნდის ვიზიტი გურიაში

**ალიონი.** საქართველოს პარლამენტის ვანდაცვისა და სოციალურ საკითხთა კომიტეტის თავმჯდომარის დიმიტრი ზუნდაძის ინიციატივით, გრძელდება სახელისუფლო გუნდის ვიზიტი საქართველოს იმ რეგიონში, სადაც, დემოგრაფიული მდგომარეობის გაუზარტყების მიზნით, ხორციელდება სხვადასხვა ღონისძიებები, მათ შორის პრემიის ინიციატივა – მესამე და შემდეგი შვილის ფულადი დახმარება.

20 ნოემბერს, სახელისუფლო გუნდი, საქართველოს პარლამენტის ვანდაცვისა და სოციალურ საკითხთა კომიტეტის თავმჯდომარის, სტეფანეშვილის მაჟორიტარი დეპუტატის დიმიტრი ზუნდაძის, მისი მოადგილის, მცხეთის მაჟორიტარი დეპუტატის მირიან წიკლაურის და საქართველოს დემოგრაფიული ალომენტების ფონდის თავმჯდომარის თამარ ჩიხურდანიძის შემადგენლობით, ოზურგეთს ეწვია და ოზურგეთის სახელმწიფო თეატრში გამართა შეხვედრა ადგილობრივ მოსახლეობასთან.

სტუმრებთან ერთად, შეხვედრაში მონაწილეობდნენ სამხარეო ადმინისტრაციის (გუბერნია), ქალაქ ოზურგეთის მერიისა და საკრებულოს, გურიის სამხრეთ რაიონის გამგებებისა და საკრებულოების წარმომადგენლები ასევე ოზურგეთის მაჟორიტარი დეპუტატი ზვიად კვაჭანტირაძე.

შეხვედრა გახსნა ქალაქ ოზურგეთის მერმა ბეგლარ სოირიძემ, რომელმაც მადლობა გადაუხადა: სტუმრებს – ჩამობრუნებისთვის და მასპინძლებს – გამოჩენილი ინტერესისა და შესაფერისი დახმარებისთვის (იგულისხმება სავსე დარბაზი).

შეხვედრის მთავარმა მომხსენებელმა დიმიტრი ზუნდაძემ მადლობას მასპინძლებისადმი გამოხატული მადლობითვე უპასუხა, განსაკუთრებული მადლიერებით მოხსენია ქ. ოზურგეთის მერის მრჩეველი სოფო ჭანტურია, რომელმაც, ზუნდაძის თქმით, მნიშვნელოვანი როლი შეასრულა ამ შეხვედრის ორგანიზებაში.

ბატონმა დიმიტრმა დამსწრეთა გაცნობის მიზნით არსებული სავალალო დემოგრაფიული მდგომარეობა, ის, რომ საქართველოში მოსახლეობის რიცხოვნობის შემცირების ტემპით მე-16 ადგილზეა 200-ზე მეტ ქვეყანას შორის... რომ, თუ ასე გაგრძელდა, 2050 წლისთვის ქვეყნის მოსახლეობა 1 700 000 ადამიანი შემცირდება, რაც გამოიწვევს ამერიკისა და კანადის ქვეყნებში ჩვენთვის სავალალო დისბალანსს, რადგან მეზობელ ქვეყნებში, განსაკუთრებით აზერბაიჯანში მოსახლეობის მატების დღი ტენდენცია შეინიშნება... რომ 1 500 000 ადამიანი საზღვარგარეთაა გახიზნული... რომ 158 სოფელში 8-10 ადამიანი ცხოვრობს... რომ საქართველოში 2012 წელს 40 000 აბორტი გაკეთდა... რომ ჩვენს ქვეყანაში ამაჟამადღე დღეში 150-მდე აბორტი კეთდება... რომ წინა ხელისუფლება არ ასაჯაროებდა დ ე მ - ოგრაფიის

გზ-3

## დავით შავლიაშვილმა სოფელ შემოქედში მიმდინარე სამშენებლო სამუშაოები დაათვალიერა

ოზურგეთში, სოფელ შემოქედში, მდინარე ბუჯუხე, საქართველოს რეგიონული განვითარებისა და ინფრასტრუქტურის სამინისტრო 8 მეტრი სიმაღლის რკინაბეტონის დამკვეთ კედლს აშენებს. 2014 წლის სექტემბერში, მდინარე ბუჯუხის ადგილის შეღვევა, გზის სავალი ნაწილი დაზიანდა. სტიქამ მოსახლეობას და მუნიციპალიტეტში ასრულებულ ინფრასტრუქტურას 3 მილიონ ლარზე მეტი ღირებულების ზარალი მიაყენა. დღეს, სოფელ შემოქედში, სტიქის შედეგების ლიკვიდაციისა და პრევენციის მიზნით მიმდინარე სამუშაოებს საქართველოს რეგიონული განვითარებისა და ინფრასტრუქტურის სამინისტრო, დავით შავლიაშვილი პირადად გაეცნო და ადგილობრივ მოსახლეობას შეხვდა. 2014 წელს ქვეყანაში მომხდარი სტიქის შემდეგ, სამინისტროს შესაბამისი სამსახურების ინტენსიური მუშაობის შედეგად, სოფლების - შემოქედისა და ნატანების გზის ჩანგრეული მონაკვეთების სრულყოფილად აღდგენა, რამდენიმე დღეშივე მოხერხდა. ნაპირდამცავი სამუშაოების დასრულების შემდეგ კ. გადაადგილება სრულიად უსაფრთხო იქნება.

სოფელ შემოქედში, მდინარე ბუჯუხის კალაპოტში 400 მეტრის სიგრძისა და 6 მეტრის სიგანის რკინაბეტონის დამკვეთ კედელი აშენდება და კონსტრუქციის 4 მეტრი წყალქვეშ იქნება მოქცეული. პროექტის ფარგლებში, 100-მეტრიანი გაბიონის მოწყობაც მიმდინარეობს. გაფართოვდა და გადრმავდა მდინარის კალაპოტი, ამჟამად მიმდინარეობს 36 ცალი 10-ტონიანი ტენტრაბლის განლაგება. სამუშაოებს საქართველოს რეგიონული განვითარებისა და ინფრასტრუქტურის სამინისტროს „სახ-



ელმწიფო სამშენებლო კომპანია“ ახორციელებს.

2014 წლის სექტემბერში მომხდარი სტიქის შემდეგ, საქართველოს მთავრობის გადაწყვეტილებით, რეგიონებში სტიქის შედეგების ლიკვიდაციისა და პრევენციის მიზნით, 6 მილიონი ლარი გამოიყო. გურიაში უკვე მოეწყო ორი მილ-ხედი, რომელიც ერთმანეთთან სოფლის ორ ნაწილს აკავშირებდა და მდინარე ნატანების ადგილის შეღვევა ჩაინერგა. პროექტის ფარგლებში, მოეწყო ასალი მილ-ხედი (მდინარეში ჩაიღვრა ლითონის წყალგამტარი მილები), ასევე, გაკეთდა ხიდიან მისასვლელი გზა, რომელიც გურიის 7 სოფლის, დაახლოებით, 5500 მოსახლეს და მათი სტუმრები სარგებლობენ.

## 7 დღის ამინდის პროგნოზი

ორშაბათი 24.11 მზა, ღრუბლი +5+11	სამშაბათი 25.11 მზა, ღრუბლი +6+12	ოთხშაბათი 26.11 ღრუბლი +7+13	ხუთშაბათი 27.11 წვიმა +7+14	პარასკევი 28.11 წვიმა, +7+13	შაბათი 29.11 წვიმა +5+8	კვირა 30.11 წვიმა, +3+8
---	--	---------------------------------------	--------------------------------------	---------------------------------------	----------------------------------	----------------------------------



# საპრემიუმო სელმძღვანელობის სამი ინიციატივა და ბიუჯეტის პროექტში საზოგადოებრივი დარბაზის მიერ დანახული უშე-ჩრდილები



**ალიონი.** ოზურგეთის მუნიციპალიტეტის საკრებულოსთან არსებული „საზოგადოებრივი დარბაზის“ 18 ნოემბრის სხდომის ბჭობის საგანი ოზურგეთის მუნიციპალიტეტის მომავალი წლის ბიუჯეტის პროექტი იყო და ამდენად იგი საზოგადოების დიდ ინტერესს იწვევდა.

დარბაზობის პროლოგშივე მუნიციპალიტეტის საკრებულოს თავმჯდომარის მოადგილემ მშენებლობების მოსაკრებლებში ისეთი სტატისტიკა წარმოადგინა, რომელსაც გულდაგულ რომ მიჰყვი, შესაძლოა, კორუფციის დიდ საბუღარს გადაეყარო.

კერძოვით, იმის გამო

რომ მშენებლობებზე არ ხდებოდა მოსაკრებლების ამოღება, მუნიციპალიტეტის ბიუჯეტი 2-3 მილიონ ლარს ჰკარგავდა, ეს იმ დროს, როცა, მაგალითად, ურეკში მშენებლობების ბუმი იყო. აქვე გაიკვია, რომ როცა კანონით საკურორტო ზონში მშენებლობის მოსაკრებლის რაოდენობა განსაზღვრულია 1-დან 5 ლარამდე ერთ კვადრატულ მეტრზე, საკრებულოს დადგენილებით ახდენენ მხოლოდ 1 ლარს.

ურეკში დარბაზი აბა, რა დარბაზია: - ეს ოფიციალურად, არა-ოფიციალური კი გასაკვეთია, - ითქვა იქვე.

როგორც მუნიციპალიტეტის საკრებულოს თავმჯდომარე დარჩამ და დიმიტრი კვერელიძემ განაცხადეს, მიუხედავად იმისა, რომ სოციალური სფეროზე ორიენტირებული ბიუჯეტი ვერ არის მთლად კარგი მთავარი საფინანსო დოკუმენტი, - უმჯობესია ინფრასტრუქტურაზე იყოს მიმართული, -

მომავალი წლის ბიუჯეტში ვერ ავცდებით სოციალური პრობლემების პრიორიტეტულობას, რადგან მოსახლეობას ვერ დავტოვებთ სოციალურ გასაჭირში.

წარმოდგენილ პროექტზე ლოგიკური შენიშვნები გამოთქვეს არასამთავრობოებმა. საია-სა და სდგკ-ს წარმომადგენელთა თქმით, ეს პროექტი შორსაა პროგრამული ბიუჯეტიდან და გამგეობას მეტი მოეთხოვება თითოეული პუნქტის კონკრეტიზაციისთვის.

საკრებულოს წარმომადგენლობითი რგოლის ხელმძღვანელები დარბაზის წინაშე გამოვიდნენ სამი ინიციატივით:

1) ბიუჯეტში შემოსავლების მნიშვნელოვანი ზრდის მიზნით, შემოღებულ იქნას მშენებლობებზე ახალი მოსაკრებელი დიფერენცირებული, ქალაქის, დასახლებული პუნქტებისა და საკურორტო ზონისათვის;

2) მოქალაქეს, რომლის სარე-

იტინგო ქულა 1700-ზე მეტია, მაგრამ აუცილებლად ესაჭიროება სოციალური დახმარება, ნაცვლად 100 ლარისა, მომავალი წლის ბიუჯეტიდან მიეცეს 150 ლარი;

3) უმაღლეს სასწავლებელში ჩარიცხულ, მუნიციპალიტეტის თემთა საკრებულოს დასახლებულ პუნქტში მცხოვრებს იმ სტუდენტს, რომელიც მიიღებს 100%-იან სახელმწიფო დაფინანსებას, მუნიციპალიტეტის ბიუჯეტიდან წლის განმავლობაში გადაეცეს 3000 ლარი, ხოლო მის სკოლას 1000 ლარი.

„საზოგადოებრივი დარბაზის“ წევრებმა სამივე ინიციატივას მხარი დაუჭირეს.

ბოლოს შეთანხმდნენ, რომ ოზურგეთის დემოკრატიული ჩართულობის ცენტრში 24 ნოემბერს შედგეს ბიუჯეტის პროექტის საჯარო განხილვა, რომელზეც მოწვეული იქნებიან დაბებისა და სოფლების წარმომადგენლები.

## ოზურგეთში გენდერის მედიაციონტრი გაიხსნა

**ალიონი.** შაბათს, 22 ნოემბერს, 12:00 საათზე, ოზურგეთში, გახუტა „გურია ნიუსის“ ოფისში (მის: ქალაქი ოზურგეთი, ჭავჭავაძის №4) გაიხსნა გენდერის მედიაციონტრი.

გენდერის მედიაციონტრების გახსნის ინიციატორი არის „ჟურნალისტთა ქსელი გენდერული თანასწორობისათვის“. ცენტრების გახსნის მიზანია მოხდეს არჩევნებში ჩართული მხარეების, მათ შორის მოსახლეობის, ინფორმირება გენდერული თანასწორობის და ქალთა პოლიტიკურად გაძლიერების მექანიზმების და მნიშვნელობის შესახებ.

გენდერის მედია ცენტრში მოსახლეობას, მედიას, არასამთავრობო და სამთავრობო ორგანიზაციებს, პოლიტიკურ პარტიებს შეეძლება მიიღონ ინფორმაცია გენდერული თანასწო-

რობის, ქალთა უფლებების, გენდერის და არჩევნების, კონკრეტული ქალი კანდიდატების საარჩევნო პროგრამების და აქტივობების, მედიაში გენდერული თანასწორობის და ქალთა საკითხების გაშუქების სტანდარტების და წესების შესახებ.

ცენტრი ასევე დახმარებას გაუწევს პარლამენტის და საკრებულოს ქალ წევრებს, ლიდერ ქალებს, გენდერულად მგრძობიარე პარტიებს და გენდერულ საკითხებზე მომუშავე არასამთავრობო ორგანიზაციებს სხვადასხვა ტიპის შეხვედრების ორგანიზებასა და მედიასთან ურთიერთობაში.

ცენტრის ორგანიზებითა და ინიციატივით გაიმართება სხვადასხვა ტიპის ღონისძიებები, რომლებიც მიმართული იქნება გენდერული თანასწორობის გაძლიერების და არჩევნებში

## ზურაბ ჩხაიძე ქელაში ხილის გადამამუშავებელ საწარმოს აშენებს

ქელაში ხილის გადამამუშავებელი საწარმო აშენდება. მშენებლობის დასაწყებად, სიმბოლური კაფსულის ჩადების ცერემონიაში პრემიერ-მინისტრმა ირაკლი ლარიაშვილმა მიიღო მონაწილეობა.

საწარმო, რომლის მშენებლობისთვის შეღავათიანი აგროკრედიტის პროგრამის ფარგლებში 500 000 აშშ დოლარი გამოიყო, 701,44 კვმ ფართობზე განთავსდება და 22 ადამიანს დასაქმებს. საწარმო გადამამუშავებს ადგილობრივ ნელეულს, რომელსაც ადგილობრივი მოსახლეობისგან ჩაიბარებს.

როგორც ლარიაშვილმა აღნიშნა, სახელმწიფოს მხარდაჭერასა და კერძო სექტორთან თანამშრომლობას საქართველოში სოფლის მეურნეობის გამოსავლებლად გადამწყვეტი მნიშვნელობა აქვს.



ქარნის ამოქმედების პირველ წელს დაგეგმილია 230 ტონა ნელეულის გადამამუშავება, ხოლო მომდევნო წელში მაჩვენებელი 1000 ტონამდე გაიზარდება. საწარმოს კომპანია „კახური ტრადიციული მეღვინეობა“ აშენებს, რომლის დამფუძნებელი ასკანელი ზურაბ ჩხაიძეა.

## დრო ვერებს ახუნებსო?!

ჩვეულებრივად წარმოსათქმელი სახელი და გვარი: ენვერ გოგუაძე! ვიცი, რომ ბევრს გაგახსენდებათ, ბევრიც, დღეებთან და წლებთან ერთად გაიცნობთ! თუმცა, სანამ ენვერის შესახებ სტრიქონს ჩემუელად აკვინძავ, გრიგოლ რობაქიძის შეგონებას შემოგთავაზებთ:

გსურს გაიგო, ვინ ხარ? უნდა შეიგნო, ვინ იყავი? გინდა იქვე რამედ? უნდა შეიგნო, რა განვლე! სათიკენ? - მიზანშეწველია მაშინ, თუ ესეც იცი - საიდან? ისტორია არის არა მარტო ხსოვნა წარსულისა - იგი თანვე ქმედითი მონაწილეა მომავლისა!


ეს სტრიქონები რომ გავიაზროთ, რამდენჯერმე დრმად და სულისეულად უნდა წავიკითხოთ!

ახლა თქვენ მოგმართავთ, თქვენც, ვინც ენვერს ცხოვრებისეულად, განწყობით, პირადი ურთიერთობით თუ სხვათა საქმეებით იცნობდით: დაინახეთ გრიგოლ რობაქიძის ფილოსოფიურ სტრიქონებში ბევრი ოზურგეთელისათვის მისაბაბი ენვერ გოგუაძე?

მე ეს სტრიქონები ყოველთვის ენვერის მაგონებენ!

ის იყო პიროვნება, რომელმაც იცოდა, რატომ მოვიდა ამ ქვეყანად, ვინ იყო, რა ვეალებოდა და რა სურდა!

მე არ ვისაუბრებ ენვერის საოცრად მრავალსმთქმელ ბიოგრაფიაზე, მას გაეცნენ, თითქმის, როგორც



თანატოლს, რომლის გზები თბილისის სახელმწიფო უნივერსიტეტმა და მაშინდელმა რაიონულმა გაზეთმა „ლენინის დროშა“, „აღმოსავლეთის“ თაგისებურად დაუკავშირა.

ორივე ისტორიის ფაკულტეტზე ვსწავლობდით (მე ორი კურსით წინ). მე ჟურნალისტობაზე მეოცნებე ისტორიკოსი ვიყავი! ენვერი? - სულით და ხორცილით, გააზრებით, სიღრმით, შინაარსით, განწყობით - მხოლოდ და მხოლოდ ისტორიკოსი!

მასში პროფესორები დიდი მომავლის მქონე პროფესორები ხელაფდნენ (ბატონმა ვერამ დონაძემ კათედრაზე დარჩენაც შესთავაზა).

ენვერი ოზურგეთში ხედავდა დაუნახ დასანახს. აქ იყო მისი ფესვები. მშობლიური კუთხისკენ უხმობდნენ ეკლესია-მონასტრების ნანგრევები, მამა-პაპათა ნაფეხურები და ძვალთშესალაგა...

თაობებისთვის უნდოდა გაეცნო რანი ვიყავით, რას გაუძელოთ, რა გადავიტანეთ...

როცა საგაზეთო სტატიებს რედაქციაში მოიტანდა დასაბეჭდად, პირველად ჩემი სამუშაო ოთახის კარებს შემოაღებდა... ამ წვევით სტუდენტობის დროინდელ წლებსაც გავიხსენებდით, გურული ჩვევით მეტყვოდა, რაზე ეწურჩულა ასკანის ციხე, აჭის ეკლესია...

როცა მას ვესაუბრებოდი, მის სტატიებს ვკითხულობდი, ბევრჯერ უხერხულობაც მიგრძნია - მე ისტორიკოსი მქვია?

არა, მე დიპლომი მქონდა ამ სპეციალობით!

ენვერი კი, სულით, გულით, სტატიებით ნაღდი ისტორიკოსი იყო! მის წერილებში საქართველოს წარსული სუნთქავდა, კვენსოდა, ამაყობდა, ტიროდა, მღეროდა...

ენვერის, თითქოს, წერის სხვა სტილი ჰქონდა!

მართლაც ყველასგან განსხვავებული იყო მისი საუბარი, ლექსის კითხვის, წერის, თამაშობის სტილი... უზომოდ შეგვარებული პიროვნება!

დრო ფერებს ახუნებსო! - ენვერისნაირები დრომ ვერ უნდა გაახუნოს!

ენვერისნაირებს ხომ ბუნება იშვიათად იმეორებს.

**ეთიარ ქაღიბიშვილი**



დაინყეთ ყოველი ომშაბათი ალიონზე

**«ალიონით»**

გაზეთი „ალიონი“ - ყოველი ოზურგეთელის ოჯახის უცვლელი წევრი!

**გელოგა**

ყურადღების, გულიანმიმართვისა და დახმარებისათვის გადლოგა ვუსლი ოზურგეთის მუნიციპალიტეტის გამგებელს, ბატონ მირაბ ჭანუყვაძეს და აღმინისტრაციული სამსახურის უფროსს, ძალბატონ ხათუნა სურგულაძეს.

**ეთიარ გვალგობიშვილი.**





სპორტი

ოზურგეთის სასპორტო სკოლის კალათბურთელთა გუნდის II საპრიზო აღბილი ბათუმის საერთაშორისო ტურნირზე გურულებმა პრემიისა და ფოთის გუნდები დაამარცხეს

მეტი ბოლქვაკამ

14-16 ნოემბერს, ქალაქ ბათუმში ჩატარდა საერთაშორისო ტურნირი 2002-2003 წლებში დაბადებულ კალათბურთელთა შორის, რომელშიც მონაწილეობდნენ ბაქოს, ერევნის, ბათუმის, ფოთისა და ოზურგეთის სასპორტო სკოლების გუნდები. კარგად იასპარეზეს ოზურგეთელმა კალათბურთელებმა, რომლებმაც დამაჯერებლად დაამარცხეს ერევნელი და ფოთელი თანატოლები და დამაბულ ორთაბრძოლაში დამარცხდნენ მასპინძელ ბათუმის ძლიერ გუნდთან. ამ შედეგით ოზურგეთელი კალათბურთელები საერთაშორისო ტურნირის მეორე პრიზორები გახდნენ.



ტყორცნა ოზურგეთელმა თორნიკე მახარაძემ განახორციელა. ბათუმის საერთაშორისო ტურნირზე ოზურგეთის სასპორტო სკოლის ღირსებას იცავდნენ: თორნიკე მახარაძე, ნოდარ ლომინაძე, ლაშა ვასაძე, გეგა გოგობერიძე, დათო მდინარაძე, ლუკა ნაკაძე, ლაშა ჯანელიძე, სერგო გეწაძე (ყველა ქ.

ოზურგეთის №2 საჯარო სკოლა), საბა სიხარულიძე (ნასაკირალის საჯარო სკოლა), გიორგი კაპანაძე (ქ. ოზურგეთის №4 საჯარო სკოლა), ამირან ესაძე (წმინდა ნინოს სახელობის გიმნაზია) ლუკა ტრაპაძე (ბახვის საჯარო სკოლა) და ზურა თოიძე (მერიის საჯარო სკოლა). მწვრთნელი აზა მჟავანაძე.

ქ. ოზურგეთისა და სოფლების საჯაროს სკოლების პირველობა მძლეოსნობაში

15 ნოემბერს ქ. ოზურგეთის ცენტრალურ სტადიონზე ჩატარდა ქ. ოზურგეთისა და სოფლების საჯაროს სკოლების პირველობა მძლეოსნობაში. 1999-2000-2001 წლებში დაბადებულთა შორის, რომელშიც მონაწილეობდა №1, №2, №4, №5, ვაკეჯვრის, ცხემლისხიდის, მაკვანეთის, შემოქმედის, მერიის, ასკანის, დეაზუს, გურიანთის, ჭანიეთის, ბახვისა და ძიძითის საჯარო სკოლები.

100 მეტრზე რბენა. გოგონებში: I ადგილი ელენა ტოლსტოვა, №4 საჯარო სკოლა; II ადგილი ნატო აროშიძე გურიანთის საჯარო სკოლა; III ადგილი - ნინო ქავყარაძე გურიანთის საჯარო სკოლა.

100 მეტრზე რბენა. ვალებში: 1. დავით გოი, მაკვანეთის საჯარო სკოლა; 2. გიორგი ბარამიძე ვაკეჯვრის საჯარო სკოლა; ტიტო ლიპარტელიანი, გურიანთის საჯარო სკოლა.

400 მეტრზე რბენა. გოგონებში: 1. ნატო აროშიძე, გურიანთის საჯარო სკოლა; 2. ნინო ქავყარაძე, გურიანთის საჯარო სკოლა; 3. გვანცა ჩაჩუა, ჭანიეთის საჯარო სკოლა.

400 მეტრზე რბენა ვალებში: დავით გოი, მაკვანეთის საჯარო სკოლა; ტიტო ლიპარტელიანი გურიანთის საჯარო სკოლა; დავით ამირანი, ჭანიეთის საჯარო სკოლა.

სიგრძეზე ხტომა, გოგონებში: ელენე ტოლსტოვა, №4 საჯარო სკოლა; 2. ნატო აროშიძე აროშიძე, გურიანთის საჯარო სკოლა; 3. ნინო ქავყარაძე გურიანთის საჯარო სკოლა.

სიგრძეზე ხტომა. ვალებში: 1. დავით გოი, მაკვანეთის საჯარო სკოლა; 2. ზურაბ კაკურიძე №4 საჯარო სკოლა; 3. დავით ამირანი, ჭანიეთის საჯარო სკოლა.

ბირთვის კვრა. გოგონებში: 1. ნანი პაკელიანი, ძიძითის საჯარო სკოლა; 2.

მეგი ზოიძე, გურიანთის საჯარო სკოლა; 3. თეკლა წიტიანიშვილი, საჯარო სკოლა.

ბირთვის კვრა. ვალებში: 1. დავით გოი, მაკვანეთის საჯარო სკოლა; 2. ბაჩი დუმბაძე, მაკვანეთის საჯარო სკოლა; 3. ლუკა ტაბატუაშვილი გურიანთის საჯარო სკოლა.

გამარჯვებულები დაჯილდოვდნენ თასებითა და დიპლომებით, ხოლო საბრძოლო ადგილებზე გასული სპორტსმენები - შესაბამისი ხარისხის დიპლომებით.

ლონისძეების ჩატარებას ხელმძღვანელობდა ქ. ოზურგეთის მუნიციპალიტეტის სასპორტო სკოლა და ოზურგეთის საგანმანათლებლო რესურსცენტრი.

აღნიშნულ ღონისძიებას სტადიონის დირექტორი მომზადებული შეხვდა.

სსოვნა

დრო უფრო ამაყობს ტკივილს!

ათი წლის წინ სრულიად საქართველო შეძრა შემზარავმა ტრაგედიამ, რომელმაც 23 წლის ახალგაზრდა კაცის სიცოცხლე შეიწირა. - ოზურგეთის ახალგაზრდული მოძრაობის ლიდერი მოუკვდა!



ვახო ხურციძე საწუთროდან რომ წავიდა, ათი წელი გავიდა მას შემდეგ, მაგრამ დღესაც იგივე სიმწვავეთ გრძელდება მისი მოულოდნელი გარდაცვალებით გამოწვეული უსაზღვრო ტკივილი, უნაპირო სევდა და უსაშველო მონატრება!..

ათი წელია დიდი ტკივილი აერთიანებს უამრავ ადამიანს, ვისთვისაც უძძიმესი დანაკლისია ამ ახალგაზრდა, მაგრამ დიდი კაცის გარდაცვალება.

ბევრი რამ შეიცვალა ათი წლის მანძილზე, მაგრამ, ვახოს დანატოვარ მოგონებებს დრო ვერ უცვალა ფერი. - სიკეთით, სითბოთი, სიყვარულით, ხალასი იუმორით, სიცოცხლის წყურვილით სავსე და მარად ახალგაზრდა დარჩა ჩვენს სსოვნაში.

დიდი საქმეებისათვის მოწოდებულ ახალგაზრდას უამრავი ჩანაფიქრი დარჩა განუხორციელებელი. მაღალი ადამიანური ღირსებების მქონეს, ყველასაგან გამორჩეულს, ყოველთვის სხვებზე მზრუნველს და მუდამ მოუსვენარს ურთიერთობის გასაოცარი ნიჭი ჰქონდა. - ამით იყო მისი ყოველი მოქმედება გადამდები, მისაბაძი და სამაგალითო. ადრე წავიდა, მაგრამ, მინც ბევრი მოასწრო და მოსაგონებლად დაგვიტოვა მის მიერ გაღებული უანგარო სიკეთე.

წლები გადის, მაგრამ კვლავ გაუსაძლის ტკივილად რჩება ვახოს არყოფნა ოჯახისათვის, მეგობრებისათვის, ახლობლებისათვის!..

ამ გაუსაძლისი ტკივილით იცოცხლა ათი წელი ვახოს მამამ, -თემურ ხურციძემ!

გულმა ვეღარ გაუძლო უსაზღვრო ტკივილს და წავიდა ამ ქვეყნიდან ნათელი კაცი, რომლის სახელიც შევითან ერთად სამარადისო სსოვნაში დაივანებს!

ყველასათვის დაუვიწყარ მამა-შვილს უფალმა დაუმკვიდროს სასუფეველი!

ბოჩა ჭანიშვილი.

ალეკო სომერიკი



ჩემთვის უსაყვარლესო ძმისშვილო, ალექო! მინდა, რომ შენი ბავშვობა გავიხსენო და სწორედ ეს სურათი მოვინახე - სუფთა, ლაღი, სიცოცხლით სავსე თვალები. ბევრი, ბევრი კოცნე და ვეფერე ამ სურათს. ნეტავ იმ დროს, როცა ამხელა იყავი და მზე გვირგვინად გედგა თავზე. ჟამთა სვლა ვერ დამავიწყებს შენს თავს, ვერ გამინელებს შენს სიყვარულს, ჩემო ალექო. ჩემს გულს გულში ხარ და დარჩები ყოველთვის.

მამიდა ივო.

მურან დუნდუა

პოემია

რამ აიძულა

რამ აიძულა გალაკტიონი: რამ აიძულა?! ცხვრების კარი ასე ჯუქურად რად გაიხურა?! რატომ დაიწყო მან ლოთობა დაფიქრდით ერთი?! მარტონი დარჩნენ დუნიაზე ისა და ღმერთი.

გამაპრიტიკეთ

მკითხველო, ნუღარ გამიბრაზდები, შენგან კრიტიკას ველი, გამაკრიკიკეთ, მე ყაბულსა ვარ, ოღონდ არა მკრათ ხელი.

ველოდი და არ გასწორდა ველოდი და არ გასწორდა, ბოდმისაგან გასკდა გული ღარიბს ბატის ნახარში და მდიდარს ძველი ინდაური.

აახშიანე

აახშიანე, ერო, ფესვები, მკრთალ დებულებებს ნუ მისცემ ავგილს, ქართველი კაცის ადამ-წესები მართლმამდიდებლურ მცნებებში გადის. ვერავის დავესვით ჩვენ, ჩვენი სიკვდილით ვერავის დავესვით, რადგან ჩვენ ხვედრი ასეთი გვერგო

სიკვდილის დასჯა სიკვდილით მხოლოდ იესომ შეძლო.

რჩევა


შენ უნდა განდე ტაძარი შენი სულისა, წმინდისა! - ეს არის აღთქმა მთავარი და რჩევა ჩვენი უფლისა, და მაშინ შექმნი ცხოვრებას ლაღსა და საწაღს გულისას.

ლიხაურის სპორტსკოლის პირველობაზე


დამთავრდა ოზურგეთის სასპორტო სკოლის ლიხაურის განყოფილების პირველობა ბერძნულ-რომაულ ჭიდაობაში, რომელშიც 50 სპორტსმენი მონაწილეობდა. წონითი კატეგორიების მიხედვით, ჩემპიონები გახდნენ: 20 კგ - საბა ხურციძე, 23 კგ - ლუკა დოლიძე, 26 კგ - ავთო მამალაძე, 29 კგ - კოტე ცეცხლაძე, 32 კგ - გიორგი ქათამიძე, 35 კგ - დათო ჭადარიძე, 38 კგ - ვაკო ხურციძე, 50 კგ - დილარ სარიშვილი, 24 კგ - გიორგი მოქია, 58 კგ - ლუკა ზაქარაძე, 63 კგ - ლაშა სალუქვაძე, 69 კგ - ვაჟა ვითოუა, რომელთაც გადაეცათ საჩუქრები და პირველი ხარისხის დიპლომები.

ასევე დაჯილდოვდნენ 2014 წლის განმავლობაში საქართველოს პირველობაზე და საერთაშორისო ტურნირებზე საქართველოსა და მის ფარგლებს გარეთ გამარჯვებული ჭაბუკები: ირაკლი ძიძისტარიშვილი, რობინზონ ესაძე, რომან ლომინაძე, საბა ცეცხლაძე, ლუკა ზაქარაძე, ანზორ ხურციძე, ავთო მამალაძე, ვაჟა ვითოუა, ბორის ტულუმი.

სამგლობიარო განცხადებები



მეუღლე ლენა, ძმა ამირანი, შვილები პაატა და ლუბა, რძალი ფიქრია, სიძე დათო, შვილი-შვილები ალექსანდრე, თეონა, ბაია, გიორგი, მეგობრები და ახლობლები იუწყებებიან **ბურაბ (ბური) ბურჭულაძის** გარდაცვალებას. დაკრძალვა ხუთშაბათს, 27 ნოემბერს, სოფელი გომი.



ოზურგეთის მუნიციპალიტეტის სასპორტო სკოლა ღრმა მწუხარებით იუწყება ყოფილი თანამშრომლის, კაცური კაცის **შოთა ანდლუაძის** გარდაცვალებას და თანაუგრძნობს განსვენებულის ოჯახს.

ლამარა თავიშვილი ღრმა მწუხარებას გამოთქვამს ძიძითის საჯარო სკოლის პედაგოგის, ყოფილი თანამშრომლის **შოთა ანდლუაძის** გარდაცვალების გამო და თანაუგრძნობს განსვენებულის ოჯახს.

სოფელ ნავომრის ჟანაურის უბნის უახლოესი მეზობლები ღრმა მწუხარებას გამოთქვამთ **მიტუშა იროდის ამ ლიპარტიანი**ს გარდაცვალების გამო და თანაუგრძნობთ განსვენებულის ოჯახს.